

四庫全書存目叢書編纂委員會編

齊魯書社

四庫全書存目叢書

史部
第二五九冊

責任編輯：孫言誠 賀 偉

ISBN 7-5333-0535-3



ZB85/10

四庫全書存目叢書·史部二五九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 49.125 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二五九冊目次

史部·職官類

館閣漫錄十卷(二)

〔明〕張元忬撰
北京大學圖書館藏明不二齋刻本

.....一

掖垣人鑑十六卷附錄一卷

〔明〕蕭彥等撰
明人文集叢刊影印明萬曆十二年序刻本

.....一二〇

舊京詞林志六卷

〔明〕周應賓撰
清華大學圖書館藏民國三十年輯玄覽堂叢書影印明萬曆刻本

.....三五四

官制備考二卷

〔明〕李日華撰
清華大學圖書館藏明崇禎元年武林魯氏刻四六全書本

.....四七九

續宋宰輔編年錄二十六卷

〔明〕呂邦耀撰
上海圖書館藏明天啓元年刻本

.....五一八

館閣漫錄十卷(二)

〔明〕張元忬撰

北京大學圖書館藏明不二齋刻本

附《四庫全書總目·館閣漫錄

無卷數》提要

館閣漫錄卷之八 始弘治十年止十八年

不二齋校梓

弘治十年二月癸酉朔 甲戌內閣大學士徐溥等奏臣等伏覲陛下臨御之初講學修德敬天勤民無所不至天下之人皆以為堯舜之治可指日而俟也近年以來視朝漸遲或日高數丈殊非美事臣等已嘗屢言不敢瀆論內殿奏事舊制每日二次若有緊急事情不時奏聞今止一次遂以為常批荅之出動經累日各衙門題奏本或稽留數月或竟不發出事致壅滯不得即行且本朝 列聖自洪武以至天順

館閣漫錄卷之八

年間時常面召儒臣咨議政事今朝叅之外不得一望天顏所以通達下情者惟在章奏又不以時斷決其於政體實為有碍至在經筵日講所以明義理是非之端陳古今治亂之迹成就君德裨益治道惟在在此今每歲進講不過數日去年春夏日講止得三次秋冬經筵止得一次校之初政似有不同臣等竊聞人君之心必有所繫不繫在此必繫在彼正士既疎則邪說得以乘間而入向來頗聞有以修齋設醮燒丹煉藥之說進者夫齋醮之事乃異端惑世求利之術聖王之所必禁宋徽宗崇信道流科儀符錄一

時最盛及金兵圍城方士郭京猶誑稱作法卒使乘輿播遷社稷失守求福未得反以召禍今內庭禁地修建不時賞賚無算黜退道官復陞真人賜以玉帶恩寵服色過於公卿遠近傳聞無不駭異至若燒煉之事其害尤慘蓋金石之藥多性酷烈一入肝腑為禍百端唐憲宗藥發致疾遂殞其身雖杖殺柳泌何救於事惟漢武帝始雖迷惑終知悔悟謂天下豈有仙人盡妖妄耳於是文成五利之徒相繼誅死故雖海內虛耗亦以壽終今龍虎山上清宮神樂觀祖師殿及內府番經殿皆焚燬無遺神如有靈何不自保

館閣漫錄 卷之八

天厭其偽亦已甚明况依方而煉計日而待所成者何丹所驗者何藥如其無效則聖明所照亦可以洞悟矣若親儒臣明正道行善政自足以感召嘉祥培蓋聖壽永享和平之福何假於彼異端之說哉且自古姦臣佞人蠱惑君心以自肆其欲者必以太平無事為言禍患一來悔之無及唐相李絳有言憂先於事可以無憂事至而憂無益於事今承平日久溺於宴安自目前觀之似乎無事然工役繁興科派重疊財穀耗竭兵馬罷敕生民困窮日甚一日愁歎之聲上干和氣災感失度太陽無光天鳴地震草木妖異

四方奏報殆無虛月將然之患誠為可憂陛下深居九重言路之臣皆畏罪隱默臣等若復不言誰肯為陛下言者伏願陛下嚴早朝之節復奏事之期勤講學之功優接下之禮遠邪佞之人斥詛罔之說則聖德日新聖政日理億萬年太平之業可保無虞矣奏入 上嘉納之時李廣以修煉服食之說進中外以為憂而無敢言者故溥等及之 辛卯吏部奉旨考察兩京五品以下官照弘治元年例於是侍講學士楊守阯上疏言臣與掌詹事府事侍講學士王鏊俱在隨屬聽考之數但臣等俱掌印信俱有屬官進

館閣漫錄 卷之八

而與吏部會考所屬則將坐于堂上退而聽考于吏部則當候于階下一人之身頃刻異狀其於觀視已不甚美况我朝 列聖在學士之官特加優異如慶成侍宴坐于四品班上聖駕視學與三品以上者坐彛倫堂內今四品官不屬考察而學士乃與講讀學士一槩聽考其於事體亦甚不便且學士之職乃講讀撰述之事非有錢穀刑獄簿書之責其稱職與否聖鑒照然若非其人自甘賜斥又有不待於考察者伏望斷自宸衷循用舊典特假優禮示崇重儒臣之意從之

三月癸丑朔 戊申勅諭少傅兼太子太傳吏部尚書謹身殿大學士徐溥太子太保禮部尚書兼武英殿大學士劉健禮部右侍郎兼侍講學士李東陽詹事府詹事兼侍講學士謝遷曰朕嗣承丕緒以君萬邦遠稽古典近守祖宗成法夙夜祇懼罔敢違越惟我太祖高皇帝創業定制所以為子孫計者至矣御制不之書連篇累帙宏綱衆目極大而精隨制隨改靡有盛歲後所施行未盡更定迨我太宗文皇帝繼正大統益弘遠圖列聖相承至于皇考皆因時制宜或損或益蓋有不得不然者期不失乎聖

館聞漫錄

卷之八

四

祖之意而已顧其條貫散見於簡冊卷牘之間凡百有司難於考據下至閭里或未悉知皇祖英宗睿皇帝嘗有志纂述事弗克竟以遺朕躬是不可緩茲欲仰遵聖製編稽國史以本朝官職制度為綱事物名數儀文等級為目一以祖宗舊制為主而凡損益同異據事繫年彙列于後粹而為書以成一代之典俾天下臣民咸得披誦庶幾會極歸極底于泰和爾其各殫心力詳錄而謹書之務使文質適中事理兼備行諸今而無弊傳諸後而可徵以稱朕法祖圖治之意爾等其欽承之遂命溥健東陽遷充總裁

館聞漫錄

卷之八

五

官太常卿兼侍講學士程敏政翰林侍讀學士兼左春坊左諭德王鏊翰林侍講學士楊守卮克副總裁內閣大學士徐溥等言臣等奉勅纂修書籍必須斷自宸衷賜以名目使中外有司曉然知聖意所在纂修者有所依據承行者易於遵奉上命書名大明會典甲子經筵畢上遣太監韋泰至內閣召大學士徐溥劉健李東陽謝遷至文華殿御榻前上出各衙門題奏本日與先生輩商量溥等每本議定批辭乃錄於片紙以進上覽畢親批本面或更定三二字或刪去一二句皆應手疾書略無疑滯有山西巡撫官本上曰此欲提問一副總兵何如溥等對曰此事輕副總兵恐不必提止提都指揮以下三人可也上曰然邊情事重小官亦不可不提耳又禮部本擬一是字上曰天下事亦大還看本內事情因取本閱之則曰是只須一是字足矣又一本健奏曰此本事多臣等將下細看擬奏上曰就此商量豈不好既又指餘本曰此皆常事不過該衙門知道耳因命左右賜茶而退蓋自即位以來宣召顧問實自此始云

五月壬寅朔 庚戌大學士徐溥引年乞休致上

曰卿德望老成輔導有年正宜委任豈可引年求退
所辭不允遇風雨大寒暑免朝參 丁卯授翰林院
庶吉士汪俊為本院編修俊時以病痊至也

七月庚子朔 丁未改南京通政司右通政焦芳為
太常少卿兼翰林院侍講學士 上在春官時芳侍
講讀敷析明暢嘗辨質訛誤為學士彭華大學士萬
安誣搆以去久淹外任 上意久屬之會服闋至京
乃有是命

八月庚午朔 癸酉命太常少卿兼侍讀學士李傑
太常少卿兼侍講學士焦芳充纂修大明會典副總
裁 已卯守制太常卿兼翰林院侍講學士程敏政

奏昨蒙聖恩以纂修書籍起復臣為副總裁顧臣尚
在制中哀疚所積莫能效職乞容終制前來趨命總
裁之副非臣敢當分館所修願竭駑鈍命俟服闋赴
京供職 已未命禮部右侍郎兼侍讀學士李東陽
之子兆先為國子監生從其請也

十月己巳朔 甲戌南京翰林院侍讀學士曾彥引
年乞致仕從之賜以誥命 乙酉陞翰林侍讀馬廷
用為南京侍讀學士 己丑贈前少保兼吏部尚書
謹身殿大學士王文為太保謚毅愍賜誥命文天順

初為石亨等構死至是其子兵部侍郎宗彞乞申雪
故有是命

十一月戊戌朔 乙巳翰林院編修劉存業病瘞至
京復除原職 壬子錄故少保吏部尚書兼華蓋殿
大學士李賢之孫錫以中書舍人習字出身

弘治十一年二月丁卯朔 癸酉錄故少師兼太子
太師吏部尚書華蓋殿大學士劉吉之子臯為中書
舍人 甲午太學士徐溥等以 皇太子將出閣講

學請以太常少卿兼侍講學士程敏政侍講學士楊
守卬左春坊左諭德李旻司經局洗馬梁儲充侍班

官太常少卿兼侍讀學士李傑太常少卿兼侍講學
士焦芳侍讀學士兼左諭德王鏊右諭德王華洗馬
楊傑侍讀劉機江瀾白欽侍講武衛左中允楊廷和
右中允張天瑞左贊善費宏充講讀官編修兼校書
吳儼新貴禮部員外郎兼正字周文通大理寺右寺
副兼正字劉榮俱更直供事又以詹事府缺官管事
請改敏政為詹事兼學士陞鏊為少詹事兼侍讀學
士 上俱從之仍命溥及大學士劉健李東陽謝遷
提調各官講讀 丙申勅吏部少傳兼太子太傅吏
部尚書謹身殿大學士徐溥加少師兼太子太師華

蓋殿大學士尚書如故太子太保禮部尚書兼武英殿大學士劉健加少傅兼太子太傅戶部尚書謹身殿大學士禮部右侍郎兼侍讀學士李東陽陞太子少保禮部尚書兼文淵閣大學士詹事府詹事兼侍講學士謝遷陞太子少保兵部尚書兼東閣大學士太子太保兵部尚書馬文升加少傅兼太子太傅太子太保吏部尚書屠滸加太子太傅太子少保刑部尚書白昂加太子太保戶部尚書周經禮部尚書徐璣工部尚書徐貫都察院左都御史閔珪俱加太子少保尚書都御史如故

館閣漫錄

卷之六

八

三月丁酉朔 巳亥 皇太子出講學 上賜御酒珍膳宴三師三少并講讀等官于文華殿門外之西耳房各賜寶鈔有差 戊申授翰林院庶吉士薛格為本院檢討格時以病痊至也 癸亥陞詹事府詹事兼學士程敏政為禮部右侍郎仍兼學士掌詹事府事敏政時行取始至也

五月丙申朔 辛酉翰林院編修沈燾丁憂服闋復除原職

六月丙寅朔 庚辰命故翰林學士沈度孫世隆為中書舍人內閣制勅房辦事蓋上善書雅好度書法

嘗有旨命訪其子孫至是禮部以世隆應詔遂有是命

七月乙未朔 辛丑翰林院編修徐穆病痊至京復除原職 甲辰命司經局洗馬梁儲翰林院侍讀劉機為應天府鄉試考官 乙卯少師兼太子太師吏部尚書華蓋殿大學士徐溥以疾乞致仕 上曰卿引疾求退已有旨勉留若尚未愈宜善加調理以副重託所辭不允 癸亥少師兼太子太師吏部尚書華蓋殿大學士徐溥復以老疾乞致仕 上曰卿宿德望重方隆倚任而屢以疾辭情甚懇切特茲俞允仍賜勅給驛遣官一員送回有司月給米五石歲撥夫八名應用復官其子為中書舍人

館閣漫錄

卷之六

九

八月甲子朔錄故南京禮部尚書倪謙之子澤於中書舍人習字出身以澤自陳謙在天順中嘗有春宮講讀之勞也 戊辰命右春坊右諭德王華左春坊左中允楊廷和為順天府鄉試考官 癸酉賜致仕大學士徐溥白金三十兩寶鈔三千貫紵絲衣一襲復命其甥翰林編修吳儼馳驛護送還家 十月癸亥朔 戊辰授翰林庶吉士濮韶陳霽葉德賈詠俱為本院編修汪偉王九思劉瑞俱為檢討陳

詔華景楊禔張弘至徐忱陶諧俱為給事中碩潛胡猷陳琳俱為監察御史陳鳳梧為刑部主事 乙亥曉刻 上遣太監蕭敬召內閣于左順門宣旨曰昨夜清寧宮失火朕奉侍 聖祖母徹旦不寢今尚不敢離左右欲暫免朝參可乎時太學士劉健有事於西山李東陽謝遷對曰宮闈大變 太皇太后聖心震驚 皇上問安視膳誠孝方切事在從宜即宣鴻臚寺免朝一日可也敬復奏乃命免朝 丙子內閣太學士劉健等奏切見近年以來災異頗仍內府火災僧其軍器庫火番經厰火乾清宮西七所火內官監火而前日清寧宮之災為異尤大臣等目擊實為寒心竊惟古之聖王未有不遇災而懼者或避殿或膳茲責已未言修治政事明正賞罰然後可以轉禍為福變災為祥本朝 列聖以來俱有故事誠今日所當舉行者也臣等又恐議者或以為天道茫昧變不足畏此乃慢天之說罪不容誅或以為天下太平患不足慮此乃誤國之言死有餘責或以為齋醮祈禱為弭災此乃邪妄之術適足以長惡向來奸佞之人每用此說熒惑聖聰妨蠹聖政以致賄賂公行賞罰

失當紀綱廢弛賢否混淆工役繁興科派百出公私耗竭軍民困憊而大小臣僚被其脅制畏罪避禍緘口結舌下情不達上澤不宣愁歎之聲仰干和氣災異之積正此之由今幸天道昭明元惡殄喪聖心開悟洞察前非然餘慝未除宿弊未革雖聖神廣大姑示含容而中外人心憤鬱未釋故上天仁愛復以此異警動淵衷此正 皇上奮發勵精一新庶政之時也伏願大開離照獨運乾剛進賢黜奸明示賞罰當行之事斷在不疑毋更因循以貽後患尤望特降綸音戒諭臣工痛加修省廣求直言指陳弊政益加採擇次第施行以收人心以回天意實 宗社生民之福也奏入 上嘉納之 十一月癸巳朔 癸卯大學士劉健李東陽謝遷以清寧宮災同引咎乞致仕 上曰卿等職居輔導方隆倚任正當竭誠修職共回天意所辭不允 閏十一月壬戌朔 己巳授翰林院庶吉士吳舜為吏科給事中戴銑為兵科給事中薛丁憂服闋銑給假省親始至也 十二月壬辰朔 丁巳太子少保兵部尚書蕭東閣大學士謝遷以其祖塋先任福建布政司都事後坐

事革職例不得封乞照近例以已應得誥命移贈其祖命並與之

弘治十二年正月辛酉朔 乙酉大學士劉健謝遷

李東陽言日者監生江瑑奏稱近來災異數見皆由

臣等杜絕言路掩蔽聰明妬賢嫉能排抑勝已所致

仰惟我 太祖定制雖不立宰相而 太宗以來專

任內閣委以腹心俾參機務與諸司異誠不可處非

其人臣等俱以庸愚濫膺簡用才小任重勉強支持

夙夜徒勤分寸無補頃因災異蓋嘗引咎乞休仰承

優詔未允罷歸及兩京科道指陳時弊并劾奏奔競

交結乞恩傳奉等項官員連章累牘至再至三節奉

聖斷照舊存留不動其間所言枉曲者固有得實者

豈無其人差悞者不無切直者亦所當聽而乃慢無

可否槩不施行自 祖宗朝至今未有此事是皆臣

等因循將順苟避嫌疑不能力贊乾剛俯從輿論別

白忠邪明正賞罰以致人心懷惑物議沸騰草野之

下其言乃至於此揆之理勢殆有由然若其言之當

否意之公私則有 聖明在上公論在下臣等但知

省身思過而已遑卹其他且嘗聞之推賢讓能庶官

乃和陳力就列不能者止此大臣之常分亦臣等之

館閣漫錄

卷之六

十三

系心方今英俊滿朝實多勝已豈可久妨賢路以干誤國之誅 上曰朕以卿等調元輔導豈因小人非言輒便求退不允辭宜安心辦事江溶排斥大臣錦衣衛逮送鎮撫司究問

二月辛卯朔 禮部覆奏給事中吳舜所言乞於退

朝之後以六科日進旨意題本令人宣念冀得反覆

處置又勸御大小經筵虛心訪問務求至當凡決政

事召內閣及該部於便殿面議而後決退朝燕閑則

召翰林儒臣或科道侍直以備顧問議上 上從之

丙申命太子少保禮部尚書兼文淵閣大學士李東

陽禮部右侍郎兼學士程敏政為會試考官

三月庚申朔 甲戌命少傅兼太子太傅戶部尚書

謹身殿大學士劉健太子少保禮部尚書兼文淵閣

大學士李東陽太子少保兵部尚書兼東閣大學士

謝遷太常少卿兼侍讀學士李傑太常少卿兼侍講

學士焦芳詹事府少詹事兼侍講學士王鏊太子太

傅吏部尚書屠滸太子少保戶部尚書周經少保兼

太子太傅兵部尚書馬文升太子太保刑部尚書白

昂太子少保工部尚書徐貫太子少保都察院左都

御史閔珪掌通政司事禮部左侍郎元守直大理寺

館閣漫錄

卷之六

十三

卿王軾為讀卷官 乙酉授第一甲進士倫文敘為修撰豐熙劉龍為編修

四月庚寅朔 辛亥下禮部右侍郎兼學士程敏政于獄華杲既繫錦衣衛鎮撫司工科都給事中林廷至以嘗為同考試官與知內簾事程敏政出題閱卷取人有可疑者六且曰臣在敏政非無一日之雅但朝廷公道所出既知之不敢不言且諫官得風聞言事杲言雖不當不為身家計也今所劾之官晏然如故而身先就獄後若有事誰復肯言之者但茲事體大勢難兩全就使竟得實於風化何補莫若將言官

館閣漫錄 卷之八

十四

舉人釋而不問敏政罷歸田里如此處之似為包荒但業已舉行又難中止若曰朋比回護顛倒是非則聖明之世理所必無也既而給事中尚衡監察御史王綬皆請釋杲而逮敏政徐經亦奏杲挾私誣指敏政復屢奏自辨且求放歸及置對鎮撫司以經杲等獄辭多異請取自宸斷 上命三法司及錦衣衛鞫之經即自言敏政嘗受其金帛於是左都御史閔珪等情逮敏政對問奏留中十餘日乃可之 壬子侍講張燦丁憂起復除原職

六月己丑朔 壬辰致仕禮部右侍郎兼學士程敏

政卒敏政字克勤直隸休寧人蚤慧年十歲侍父信官蜀巡撫侍郎羅綺以神童薦于朝命讀書翰林院成化二年以進士第二人及第授翰林編修以同修英廟實錄書成陞俸一級九年秩滿陞侍講充經筵講官復以同修續資治通鑑綱目成陞右春坊右諭德充東宮講讀官二十三年秋 孝宗皇帝踐阼進詹事府少詹事兼侍講學士侍文華殿日講是冬被劾去任弘治六年召還仍供舊職尋陞太常卿掌院事兼修玉牒八年丁母憂修大明會典召為副總裁上章乞終制從之服闋還京未至轉詹事兼學士陞

館閣漫錄 卷之八

十五

見遷禮部右侍郎侍 皇太子講讀十二年春奉命主考會試言官以任私劾之逮繫數舉子獄久不決屢上章責躬求退弗遂迺自請廷辨執法諸大臣白其事以聞詔許致仕時方盛夏甫出獄四日以癰毒不治而卒贈禮部尚書賜祭墓如例敏政為人秀眉長髯風神清茂善談論性復疎爽于書無所不讀文章為時輩所推所著述有皇明文衡瀛賢奏對錄新安文獻志詠史詩宋遺民錄真西山心經附註程氏統宗譜程氏貽範集宋紀受終考道一編儀禮經大學重定本及篋墩藁若干卷藏于家敏政以少年擅

天名以文學躋侍從自是以往名位將不求而自至
乃外附權貴內結與援急於進取之心恒汲汲然士
夫多有議之者但言官劾其主考任私之事實未嘗
有蓋當時有謀代其位者嗾給事中華景言之遂成
大獄以致憤恨而死有知者至今多冤惜之 癸巳
翰林院庶吉士許天錫病痊至京授吏科給事中
戊戌命禮部左侍郎兼學士傳翰掌詹事府事以兵
部尚書馬文升奏慎擇官僚故也 癸卯陞禮部右
侍郎張昇為兵部左侍郎太常少卿兼侍講學士焦
芳為禮部右侍郎 庚戌司經局洗馬楊傑卒傑字
鎮閣漢錄 卷之六 十六
廷俊山西平定州人成化十四年進士改庶吉士授
編修九年秩滿陞侍講充經筵講官弘治四年纂修
憲廟實錄成陞司經局洗馬九年充 東宮講讀官
同修大明會典未幾卒特賜諭祭 丁巳端門守門
官奉御王璽等以本門左直房五間空閑奏討居住
下工部查奏謂本房係左右春坊司經局等衙門候
朝公會書押文移及收貯卷籍之所凡 東宮官屬
侍班講讀亦在此伺候不係空閑房屋有 旨既係
各衙門公會之所今後不許奏討
七月己未朔 己卯太常少卿兼侍讀學士李傑往

闕里孔子廟行慰祭禮 庚辰掌國子監事禮部右
侍郎林瀚以老疾乞致仕 上曰林瀚不准休致令
照舊用心供職以副委任
八月戊子朔 丁未改掌國子監禮部右侍郎林瀚
為吏部右侍郎 壬子陞致仕南京國子監祭酒謝
鐸為禮部右侍郎管國子監祭酒事 陞翰林檢討
毛紀為本院修撰以九年秩滿也
九月戊申朔 戊辰致仕少師兼太子太師吏部尚
書華蓋殿大學士徐溥卒溥字時用直隸宜興人景
泰五年進士第二人及第授編修 英廟復辟命兼
司經局校書侍 東宮講讀 憲廟登極錄舊學選
左春坊左庶子兼侍講充經筵講官纂修 英廟實
錄管武職誥黃九年秩滿陞少詹事兼侍讀學士陞
太常卿兼學士嘗徧掌翰林詹事左右春坊司經局
事歷禮吏二部左侍郎皆兼學士 上即位首膺簡
入內閣參預機務進禮部尚書兼文淵閣大學士充
憲廟實錄總裁官同知經筵事弘治四年加太子太
傅吏部尚書謹身殿大學士進階光祿大夫柱國十
年充大明會典總裁以疾辭位不許免風雨大寒暑
朝叅十一年今 上出閣進少師兼太子太師華蓋

殿大學士尚書如故尋以目疾累疏乞歸乃賜勅給驛遣官護送還鄉令有司月給米五石歲夫捌名仍賜嚴衣白金楮鏹特官其一孫為中書舍人踰年卒年七十三計聞輟朝一日遣行人諭祭者九又命有司塋塋贈特進左柱國太師謚文靖 戊寅命詹事府掌府事禮部左侍郎兼學士傅瀚及南京翰林侍講學士張元禎充纂修大明會典副總裁官時元禎養病家居命吏部行取供職從大學士劉健等言也丙戌內閣大學士劉健等言昨司禮監太監陳寬傳奉 聖旨今後凡有擬票文書卿等自行書封密進館閣漫錄 卷之八 六

不許令人代寫欽此除欽遵外臣等仰見 皇上委任腹心慎重機務開厥壅蔽防閑漏泄之意易曰君不密則失臣臣不密則失身幾事不密則害成正為此也臣等俱以庸駑謬承簡任輔導無狀尸素有年聖諭下臨捫心知感竊惟內閣之職所以承德弼違猷可替否輔佐朝廷裁決政務與百司庶府職掌不同中間事情誠為秘密在 祖宗朝凡有諮訪論議或親賜臨幸或召見便殿或奉天門或左順門屏開左右造膝面諭以為常制臣等不暇遠引且如 宣宗章皇帝屢幸內閣御座所在至今臣等不敢中坐

英宗皇帝視朝將罷不時面召李賢 憲宗純皇帝亦嘗召李賢陳文彭時或遣司禮監太監如牛玉懷恩一二人到閣計議 上有密旨則用御前之寶封示下有章疏則用文淵閣印封進直至御前開拆此臣耳聞目見者也因循至今事體漸異朝參講讀之外不得復奉天顏雖司禮監太監亦少至內閣朝廷有命令必傳之太監太監傳之管文書官管文書官達之太監太監乃達至御前至於謄寫之職仍委制勅房中書一二人臣等雖時常戒飭而經歷太多耳目太廣豈能保無漏泄宜有如 皇上所諭者臣等自當潯慮省恭盡忠補過以副聖心但內閣文書多係機密凡有關係失利病在輔導不敢阿順緘默未免有所陳奏緣臣等不習楷書寫畫鈍拙不能一一自寫除事理重大者自行書寫封進以聽聖裁其餘仍乞容令中書代寫臣等亦當申嚴戒飭勿致漏泄皇上若有諮議仍乞照 祖宗故事或召臣等面諭或親賜御批數字封下或遣太監密傳聖意使臣等有所遵奉庶情得通達事無漏泄實為便益 上納之

十月丁亥朔 戊子詹事府少詹事兼侍講學士王

蔡釜以親老乞歸省從之命馳驛以行 辛卯陞吏部右侍郎林瀚為本部左侍郎

十一月丁巳朔 己未養病禮部右侍郎兼學士汪諧卒諧字伯諧浙江仁和人少時冒順天香河縣籍舉京闈鄉試尋被革歸復舉浙江鄉試登天順四年進士改庶吉士授編修纂修 英廟實錄成化三年陞修撰九年秩滿陞右春坊右諭德修續資治通鑑綱目十三年陞右庶子侍 上於東宮講讀 上登極陞少詹事兼侍講學士充經筵講官修 憲廟實錄充副總裁後以疾在告久請停俸弗許弘治四年

館閣漫錄 卷之六

十一

陞禮部右侍郎兼學士遂請老許之至是卒年六十八贈禮部尚書贈祭葬給驛歸其喪諧儀度整潔深中簡言笑慮事周悉晚益慎密方嚮用而困於疾痰弗究于用其父澄舉進士為監察御史坐法遺戒諸子勿讀書諧既貴弟禔亦舉進士及卒子登蔭中書舍人舉賜皆繼舉進士

弘治十三年四月甲申朔 乙未南京禮部右侍郎董越乞致仕不允 戊申陞侍講學士張元禎為學士元禎養病家居至是以纂修大明會典召為副總裁 壬子兵部擬罷張懋等兵柄 上召內閣大學

士劉健李東陽謝遷至平遙出懋等諸疏親賜顧問以次裁決焉

五月甲寅朔 丙辰 上復召內閣大學士劉健李東陽謝遷至平遙出兵部推舉各官疏逐名訪問面賜裁決仍命司禮監具紙筆親書手勅兵部行之 乙亥陞掌詹事府事禮部左侍郎兼學士傅瀚為禮部尚書 戊寅詹事府少詹事兼翰林院侍讀學士王整釜省親復任

六月癸未朔 乙酉右春坊右贊善楊時暢服闋復職 戊子太常寺少卿兼翰林侍讀學士李傑以例

館閣漫錄 卷之六

三

乞致仕不允 甲午時吏部缺尚書都察院缺左都御史吏部會推兵部尚書馬文升刑部尚書閔珪南京兵部尚書倪岳吏部左侍郎兼學士吳寬堪任吏部尚書南京刑部尚書戴珊提督倉場戶部尚書王繼吏部右侍郎韓文大理卿王軾堪任左都御史既而監察御史魏英等奏兵部尚書非馬文升不可御史高徹先又言吏部之任非珪所宜有 旨加文升少傅兼太子太傅兵部尚書如故改珊為左都御史仍命推堪任吏部尚書者以聞疏上命改岳為吏部尚書太子少保仍舊 陞侍讀江瀾劉機為侍讀學

王侍講武衛張芮為侍講學士右春坊右中允張天瑞為左春坊左庶子俱以九年秩滿也 戊申陞吏部左侍郎林瀚為南京吏部尚書

七月癸丑朔 辛酉陞詹事府少詹事兼侍讀學士王鏊為吏部右侍郎 辛巳致仕南京國子監祭酒謝鐸辭起用之命不允命吏部促之赴任 壬午陞南京禮部左侍郎董越為南京工部尚書 丁亥陞太常少卿兼翰林院侍讀學士李傑為南京禮部右侍郎

九月壬子朔 丙寅命翰林編修蔣冕傳珪俱兼司

館閣漫錄

卷六

主

經局校書侍 東宮講讀從大學士劉健等言也

戊寅陞翰林院編修兼司經局校書吳儼為左春坊左中允仍侍 東宮講讀以九年秩滿也 已卯錄故南京吏部尚書王僎之孫昇於中書舍人習字出身以僎嘗侍 憲宗皇帝春宮講讀故也

十月壬午朔 庚寅南京國子監祭酒劉宸乞致仕不允 戊戌翰林檢討石瑤丁憂服闋復除原職 甲辰陞司經局洗馬兼侍講梁儲為學士支從四品俸以九年秩滿也

十一月辛亥朔 已卯禮部右侍郎管國子監祭酒

事謝鐸承召至京復辭新命 上曰鐸學行端謹望譽素著特茲擢用不允所辭

十二月辛巳朔 甲午陞編修兼司經局校書蔣冕為右春坊右中允仍舊供事以九年秩滿也 已酉內閣大學士劉健等言今早太監李榮傳示 聖意因連日奉侍 兩宮勤勞少須調理今日視朝稍遲特諭臣等知之臣等仰見聖孝篤志而不忘勤政之心無任欣幸伏望善加調攝用保安和尤望聖明常存此念早朝晏罷躬理萬幾儆戒無虞不自暇逸以慰中外臣民之望豈惟臣等之幸實 宗社無疆之休也 上納之

館閣漫錄

卷六

主

弘治十四年二月庚辰朔 丙午陞左春坊左諭德李旻為南京太常少卿

三月己酉朔 壬子太子少保禮部尚書兼文淵閣大學士李東陽奏以疾乞致任 上曰卿學行端慎才望老成方切倚任有疾宜善加調理豈可遽求休致所辭不允 壬申南京國子監祭酒劉震卒震字道亨江西安福人成化八年進士及第授編修陞侍講弘治元年陞右春坊右諭德管國子監司業事九年陞南京國子監祭酒至是卒訃聞賜祭塋震才力

有餘文詞敏贍尤邃於經學為司業祭酒能修舉教
事生徒咸畏之然性躁急少醞藉士少不當意者必
羅織鞭朴之又喜受人覬遺以故士議沸騰卒為言
官所劾云 庚寅太子少保禮部尚書兼文淵閣大
學士李東陽再乞致仕 上曰卿才德素著精力未
衰有疾宜用心調理以副委任豈可固求退休所請
不允

五月戊申朔 己酉大學士李東陽兩以疾辭位俱
優詔不允至是復上疏懇乞致仕 上曰卿引疾乞
休已屢有旨不允宜勉起供職以副委任毋再固辭

館閣漫錄

卷之六

五

陞編修周玉為國子監司業 丙辰賜南京太常卿
呂憲母恭人徐氏祭仍命祔其父內閣學士原燾以
三品例合葬從其請也 丁卯錄用故大學士徐溥
之孫中書舍人文煥為尚寶司丞文燦為中書舍人
戊辰南京國子監祭酒黃珣乞便道省祭許之
六月丁丑朔 壬午起福建按察司僉事章懋為南
京國子監祭酒 丙戌賜南京國子監祭酒黃珣母
宜人韓氏祭葬從其請也

七月丁未朔 癸丑修撰朱希周病痊至京復除原
職 己卯錄用故南京禮部尚書倪謙之子澤為中

書舍人以謙嘗為宮僚講讀有勞也 命太子少保
兵部尚書兼東閣大學士謝遷之子丕為國子監生
從其請也

閏十月丁丑朔 己卯命右春坊右諭德王華侍講
劉忠為應天府鄉試考試官

八月甲午朔 丁未釋奠先師孔子遣吏部左侍郎
兼學士吳寬行禮初有 旨遣大學士李東陽行禮
會東陽有子國子監生兆先病故以喪告乃改命寬
後數日 上特遣太監竈誠至東陽家賜銀五十兩
為賻且曲加慰諭令治喪畢速出供職蓋特恩也

館閣漫錄

卷之六

五

乙丑南京吏部右侍郎楊守趾乞假展祭許之 翰
林檢討薛格乞歸養疾許之 甲戌禮部尚書傅瀚
奏乞住俸養病 上曰卿有疾宜善調理以副委任
不必住俸

十月丙午朔 甲寅太子少保吏部尚書倪岳卒岳
字舜咨應天府上元人南京禮部尚書謙之子天順
八年進士改翰林庶吉士成化元年授編修修 英
廟實錄成陞俸一級秩滿進侍讀仍陞從五品俸充
經筵講官丁父憂服闋復任預修文華大訓成遷學
士二十年充東宮講讀官二十二年擢禮部右侍郎仍